

Sindikata radnika u zdravstvu u Kantonu Sarajevo
Obala Kulina Bana 1
Broj: 228/17
Sarajevo, 06.04.2017. godine

ZAPISNIK

sa 12. Vanredne sjednice Glavnog odbora Sindikata radnika u zdravstvu u Kantonu Sarajevo održane 06.04.2017. godine sa početkom u 14,00 sati.

Prisutni članovi Glavnog odbora Sindikata radnika u zdravstvu u Kantonu Sarajevo (u daljem tekstu: Glavni odbor Sindikata): Grabovica Magbula zamjena za Balić Amira, Bešić Samir, Bijedić Lana, Brajković Mario, Bukvić Semra, Čaušević Amir, Delihasanović Kemo, Hasibović Tarik zamjena za Feta Zarifa, Gušić Edis, Habul Mirza, Hrustemović Dženana, Istenić Nermin, Koudeimati M. Bassam, Pekmez Medina Amina, Pepić Feka, Sadiković Senad, Selimić Edo, Zijadić Mustafa zamjena za Šljivo Anela, Tukelija Adnan i Vukas Haris.
Odsutni članovi Glavnog odbora Sindikata: Niko.

Za sjednicu je predložen sljedeći dnevni red:

1. Informacija o kolektivnim pregovorima za Kanton Sarajevo
2. Razno

Predloženi dnevni red je jednoglasno usvojen.

Ad1.

Kemo Delihasanović, Nermin Istenić i Edo Selimić, članovi Pregovaračkog tima Sindikata, upoznali su prisutne da je 03.04.2017. godine održan posljednji sastanak pregovaračkih timova kojem je prisustvovao i Elmedin Konaković, Premijer KS. Ministrica zdravstva KS je istakla da je upoznala Premijera KS sa tokom kolektivnih pregovora, kao i problemima koji su se javili tokom pregovora, a to su šta sa Sindikatom doktora medicine i stomatologije, dopisi od OSO UKCS zašto nemaju predstavnika u pregovorima i koeficijenti diplomiranih medicinskih sestara i doktora. Pored toga, direktor Zavoda zdravstvenog osiguranja KS je istako da je nakon 31.03.2017. godine dobio dopis od OSO UKCS i OSO JU Dom zdravlja KS kojim traže učešće u kolektivnim pregovorima. Nadalje, Pregovarački tim Vlade KS je ostao kod svog prijedloga neto satnice od 2,40 KM, primjene Kolektivnog ugovora od 01.06.2017, godine, te smanjenja koeficijenata medicinskim sestrama i povećanja koeficijenta doktorima. Pregovarački tim Sindikata je odbio taj prijedlog, te ostao kod stava ovog Glavnog odbora da visina neto satnice iznosi 2,65 KM i da se koeficijenti ne mijenjaju, a pogotovo ne da se smanjuju za pojedine grupe složenosti poslova. Na kraju sastanka Premijer je istakao da će sljedeće sedmice organizovati zajednički sastanak kome će prisustvovati predstavnici ovog sindikata i Sindikata doktora medicine i stomatologije, te Ministrica zdravstva KS i predstavnici Zavoda zdravstvenog osiguranja KS.

Predsjednik Sindikata je, potom, upoznao prisutne da su nakon okončanja kolektivnih pregovora ostala dva člana neusklađena, a to su visina neto satnice i početak primjene kolektivnog ugovora, te da su naredne aktivnosti održavanje Skupštine Sindikata i organizacija generalnog štrajka. Također, je istakao da po protokolu o pregovorima više nemamo obavezu neistupanja u javnosti, te da je Premijer upoznat da će na sastanak doći svi članovi Glavnog odbora Sindikata.

U diskusiji su učestvovali: Tukelija Adnan, Brajković Mario, Koudeimati M. Bassam, Sadiković Senad, Hasibović Tarik, Delihasanović Kemo, Pepić Feka, Selimić Edo, Pekmez Medina Amina i Bašić Samir.

Informacija o kolektivnim pregovorima za Kanton Sarajevo je primljena k znanju.

U okviru ove tačke dnevnog reda, Glavni odbor Sindikata je donio:

ZAKLJUČKE

- 1. Preispitati reprezentativnost Sindikata doktora medicine i stomatologije, te nakon što se očituje nadležno ministarstvo pokrenuti postupak osporavanja izdate reprezentativnosti ovom sindikatu (ZA 18 članova, SUZDRŽANA 2 člana: Hrustemović Dženana i Vukas Haris).**
- 2. Na sastanak koji će organizovati Premijer KS, pored članova Glavnog odbora Sindikata, pozvati i advokata koji se bavi radnim pravom (ZA: 14 članova, PROTIV: 4 člana: Grabovica Magbula, Koudeimati M. Bassam, Hrustemović Dženana i Vukas Haris, SUZDRŽANA 2 člana: Tukelija Adnan i Gušić Edis).**

Ad2.

Članovi Glavnog odbora Sindikata su upoznati da je sljedeća sjednica Glavnog odbora Sindikata sljedeći četvrtak, 13.04.2017. godine. Naime, članovima Glavnog odbora Sindikata - predsjednicima osnovnih sindikalnih organizacija uručen je dopis kojim se traži da potvrde da li ispred njihovih osnovnih sindikalnih organizacija ostaju isti delegati i kandidati za koje su ranije dostavili podatke ili ne, te ukoliko je došlo do promjene delegata i kandidata da dostave izmjene. Također, ukoliko osnovne sindikalne organizacije nisu dostavile prijedlog kandidata, mogu to sada učiniti. Rok za postupanje po dopisu je 7 dana od uručenja dopisa tj. od danas. Predsjednica OSO UKCS je odbila primiti dopis, te će isti biti urečen putem pošte.

Sjednica je završena u 15,00 sati.

Napomena:

Sastavni dio ovog zapisnika je tonski snimak rada 12. Vanredne sjednice Glavnog odbora Sindikata.

Zapisnik sačinila
Malićević Sanela, dipl. iur

Predsjednik
Prim. dr Edo Selimić